

銅仁府志

明·万历

戊戌进士万士英
铜仁知府陈以跃

主撰
主修

德宏民族出版社
铜仁市碧江区档案局整理

銅仁府志

四

图书在版编目（CIP）数据

明万历《铜仁府志》 / 万士英 编纂, 刘新华 点校. -- 潞西: 德宏民族出版社, 2013.8

ISBN 978-7-80750-920-2

I. ①明… II. ①万… ②刘… III. ①铜仁府—地方志—明代 IV. ①K297.34

中国版本图书馆CIP数据核字（2013）第181919号

书 名：明万历《铜仁府志》
作 者：万士英 编纂 刘新华 点校

出版·发行	德宏民族出版社	责任编辑	王稼祥
社 址	云南省德宏州芒市勇罕街1号	责任校对	赵 湘
邮 编	678400	封面题字	段振良
总编室电话	0692-2124877	编排整理	刘新华
汉文编室	0692-2111881	装帧设计	喻永金 朱存红
电子邮件	dmpress@163.com	发行部电话	0692-2112886
网 址	www.dmpress.cn	民文编室	0692-2113131
印 刷 厂	昆明鹰达印刷有限公司		
开 本	大16开	版 次	2013年8月第1版
印 张	42.5	印 次	2013年8月第1次
字 数	320千字	印 数	1-3000
书 号	ISBN 978-7-80750-920-2/K · 118	定 价	380.00元

如出现印刷、装订错误，请与承印厂联系调换事宜。印刷厂联系电话：0871-63646096

銅仁府志卷之十一

經畧志二

安攘

書稱苗民匪用命詩稱蠻夷猾夏夷狄之患自古
有之碩哉所以制馭者何如耳然非算之廟中者
安能決勝千里哉銅環處皆苗四郊多壘富事
者持籌藉箸外攘內安上紓

九重南顧之憂下貽生靈百世之利高山仰止令人
有餘思焉因輯已事類爲一篇以俟後之君子

銅仁府志

卷之十一

五四〇

議處銅仁疏畧

少師周弘祖

自有苗患以來其譚制馭良策者不過曰撫曰剿曰
戰此皆似是而實未中事機者何也嘉靖二十四年
賊勢猖獗布政使石簡親詣銅仁招撫給以魚塩犒
以花紅牛酒渠魁龍許保給以冠帶幼苗選充生員
賊所需索無不應付如奉嬌子糧糗入手即出虜劫
禾及一年勢愈驕蹇動言得糧未肯聽招此則撫之
禾可之明驗也二十七年撤兵之後調土漢兵五千
五百名守銅仁又調酉陽上兵一千守小橋平茶長

首司土兵一千守毛口凱里司土兵龍必昇等一千
守地架甫及數月道路險遠糧運不給土兵擅自撤
散龍必昇亦為賊所衝潰小橋毛口相繼陷沒夫兵
多則苦于之糧兵少又不足分布控賊路則賊必攻
聚于府城則緩急難應此則守之無益之明驗也張
總制亦常執意用師矣其後印江石阡相繼破滅我
聚而入彼散而逃我撤而回彼衝而出彼守其逆我
當其勞彼之衆我有餘我之備彼不足況山箐險阻
賊勢悍勁今之將帥有能隻身深入如韓王之擒方

銅仁府志

銅仁府志

卷之十一

五四二

賊者乎此又用兵之未可也愚意謂此苗與廣西從
舊不同原有土官管轄原有印信文冊原有舊額錢
糧先年之禍起于土官其後湖廣鎮筵二司聽撫之
苗俱各認其土官求為之主免於誅殺如筵子坪之
苗亦請其土官田興爵至寨劫牛醞酒妻子羅拜情
願起立衙門復還舊治蓋田土官者徃以事繁辰州
獄此時苗尚未叛也私相語曰吾父母官久禁當救
之鳩錄入城員囑吏禁以大食器昇之出獄後興爵
求索無厭淫苗妻子群苗方恐而叛之及後聽撫又

尋其故主則苗豈無統而不可約束者哉至於銅仁
事勢頗異於是該府原是改土為流無屬縣以長官
司為屬禍雖由于長官衰弱不能鈐束各苗亦從前
有司不能撫綏所致然二司苗不盡叛也且如錢糧
一事叛苗不納以逋欠責之見戶逃亡責之土官平
頭長官至挈印以避而二司逃民散在清浪平溪思
州馬口黃道施溪等處無慮數千僑賃饑殍願歸本
土若蠲其逋負于中選強壯者為兵量給之食聚為
屯堡舊村舊田漸次經理其利倍于客兵而各叛苗

銅仁府志

銅仁府志

卷之十一

五四四

亦可馴服矣茲非處苗之正法乎嘗聞楊愈憲云苗地縱橫不過百五十里苗不及數千而敢屢拒官軍荼毒生民數年無如之何者奸民投住土官交通盡之矣有奸民為之耳目故出則必有所獲有土官為之窩容故敗則必有所歸知乎此則可以論苗矣

進討銅平疏

總督張岳

貴川頻年因于諸苗上下相蒙以賊為諱釀成驕恣不容不討議者以土險賊勁憚于用兵其所稱制馭良策不過曰撫曰守往者布政使石簡嘗撫之矣賜

以魚鹽牛酒花幣又計口而給之糧冠帶其酋首矜
弁其子弟應其所需如奉驕子不旋日而又叛且掠
矣此撫為無益徒養寇之明驗也往者掣兵之後嘗
調漢土官兵戍小橋毛口諸要害矣此孤懸賊巢道
路險遠餽餉不繼不逾月土兵輒自散去此守為無
益徒耗蠹之明驗也銅平二處其衆不及二千若用
兵直搗其巢殄其元惡餘黨當必震慄于時招還流
亡使之復業然後撫可保守可固外此則非臣之所
策矣兵部覆議令總督撫鎮諸臣協謀進討

銅仁府志

卷之十一

五四六

議處銅苗事宜

提學副使謝東山

貴州之患惟苗為劇然所以處之訖無定論者遙度而易言之過也夫自古御夷之道有三懷柔謂之撫奉命興師謂之征審其順逆而創艾之謂之撲滅然古用兵未有大得志于蠻夷者豈中國之力不足以勝之哉勢不便也故征未可易言也夫撫之於馭夷也猶日用飲食何可緩也顧選輒者苟以慎重為名又不免于養寇而階亂是撫不可獨恃也所以代征而佐撫者有撲滅之法焉此可以便宜行之者也此

原书缺页

急則雖巧婦不能為無米之炊今後貴州或防守或
征剿如用酉平等司土兵月支行糧俱照湖廣永保
等司一例支給敢再指以客兵濫支糧賞及監守官
扶同給與者俱查照律例坐以贓罪追賠重治

議處苗蠻疏畧

巡撫徐喬相

一嚴責成貴州環處皆苗其冠帶而臨苗夷者皆土
官畫地而守分人而轄責非不專乃平居剝苗肥已
有變束手旁觀甚者主使共謀坐地分贓鴛鴦矯度
莫之誰何令無通行各土司照依管轄疆界分定信

銅仁府志

卷之十一

五五〇

地設立巡捕土舍與同捕哨官巡警偵緝遇有苗賊
生發協力堵截被虜人口在某苗寨責令追取果能
約束苗夷擒捕盜賊不但獎賞許臣破格薦舉請
勅褒旌如有生事構兵窩隱逋逃蹤跡顯著者許臣
叅奏輕則降服色重則革冠帶如是庶土司知所
勸懲亦鼓舞夷方之一機也 一絕交通苗雖犬羊
其好生惡死保妻子之心與漢人同漢人潛入貿易
騙其財物負其資本不敢控訴于有司則放橫以泄
其忿而不逞無良之徒為之鄉導指引窺探富厚馴

善之家可以局騙設計勾苗捉擄人口入寨刻木寫帖稱說某與我有讐見擄某人入寨為質其被擄親屬迫求某家央俛媒講之人約出銀兩若干畜產若干取贖人口此媒講之人即主使勾苗之人也捕哨官縱之不問且陰受其贓者有之矣合無責令總兵守備嚴督營哨官把截要隘但有漢人替入夷寨不論有無引惹邊釁俱要擒拏送官究問如律貨物盡數給賞其代寫首狀擄人講贖者務追究寫狀媒講奸人痛懲重治則亂源可絕而邊民可安堵矣

銅仁府志

卷之十一

五五二

總兵官移鎮銅仁疏畧

巡撫劉大直
巡按宿應麟

貴州鎮守總兵原為保障一省而設先以承平沿駐
省城遙鎮全省近多苗患移駐鎮遠但銅仁邊圉實
鎮草諸夷出入之咽喉思石辰沅府衛要隘之門戶
若鎮壓得人銅仁有恃則胡貴要路無恐矣今雖有
新代衆將然威信未著事權稍輕難繫地方之輕重
且總兵官石邦憲威名久振于鎮平苗夷功業多著
于銅仁境土孤城倚重不可一日無之所據銅仁官
屬士民保留鎮壓地方三司等官會議前來相應題